

寶女所問經卷第一

西晉三藏竺法護譯

殷一

寶女所問品第一

西晉三藏竺法護譯

聞如是一時佛遊於如來寶淨高座則爲如來之所建立積無極德以爲莊嚴所遊道場佛慧報應蠲除所行升菩薩宮講無量煩如

來所歎顯立威變聖道無礙普有所入志存微妙好誘進行等過去慧於當來劫弘大究竟其德無量順平等覺善轉法輪無限之首諦分別慧於一切法而得自在悉觀衆生心之諸根度于彼岸曉了方便斷除諸著邪業之行爲造佛事莫不篤信化令寂定與大比丘衆六百萬人其心調和削除塵勞之欲乃爲如來法王之子修深妙法興發道化無有顛倒威儀顯曜成就聖路爲大衆祐如來安詳獲善究竟復與菩薩大聖衆俱無量無限不可思惟浩浩大會行無所拘諸菩薩等斯須之間尋能超越無量佛國便設權宜

供養奉事十方如來有所諮詢聽受經典不以厭倦而常精勤勸化衆生智慧善權以用超殊至于彼岸得度無極而以建立無礙脫門使得超越一切衆想望報羅網近一切智諸通之慧其名曰明天菩薩選遊步菩薩擇戰鬪菩薩照明藏菩薩蠲慢意菩薩踊步菩薩眼觀菩薩雷音菩薩離真菩薩如是等類諸菩薩衆不可限量無邊無際不可引喻爾時世尊歎詠菩薩所坐道場其法名曰無陰蓋辭一切菩薩徑路清淨諸佛之法力無所畏具足究竟聖慧之事於諸法典而得自由摠持之門所入法印敢可遭遇決衆法門聖通無極超入於慧不退轉輪說不迴還諸乘平等所道無二遊無所壞一品法界而分別說衆生心想所入之慧獨步堅強決了諸法滅除一切諸魔之場已度衆患隨應順法律化衆塵諸邪之見入無限慧方便勸助行無邊際咨嗟權慧十方諸佛所共宣暢達無希

望行無所礙無處之門分流興隆一切諸決了了如應而等普入有想無想體解聖達遊于深妙緣起之事明達道業無極德慧身口意業而以莊嚴於此三事心行所歸智慧無盡越諸聖諦壞聲聞乘身心憺怕開演明哲教化緣覺致諸通慧導利大乘入于道品於

發一

二

一切法而得信忍宣揚如來所因興德講說分別誦讀宣現智慧教授闡示流布靡不周徧尔時世尊講說於斯善惠法典宣弘普頌時衆會中有一女人名曰寶女即從座起右手執持妙珠瓔珞白世尊曰唯然大聖如我所言至誠不虛設此衆會佛所說法大士所講吾能具足持斯經典普於十方流布弘廣勸無量人於此法寶建立無上正真之道如是所誓不改易者如來威神使斯寶珠顯示聖旨於時世尊因衆現變令諸菩薩皆於其上化成樓閣珠交露帳斯諸正士然後來世成正覺時如其佛土微妙嚴淨佛道場樹

當使於今現此瑞應衆寶樓閣珠交露帳令斯會者覩其嚴淨悉皆悅豫於時寶女前詣佛所則散珠瓔珞散珠瓔珞已佛之威神寶女之德誓願至誠在於佛上及諸菩薩上虛空中化成樓閣珠交露帳辟方弘廣若干種變奇特殊妙周而平等莊嚴校飾分布安處正無傾邪時諸菩薩各心念言如我等身本往古時志所誓願當今五等佛土嚴淨道場覺樹亦復如是斯諸菩薩如心所念各各自見交露樓閣適覩此已恠未曾有前白佛言甚爲難及天中之天其寶女者所建立力能爲我等顯現瑞應無央數劫所發志願令此寶女

發一

三

終

一心念頃悉令現矣世尊告曰如是正士如汝所言寶女發意如志所建行道已來於六十二百千億垓諸佛之所殖衆德本乃致若茲至誠所建眞實誓願以是之故今斯寶女如其所誓被德之鎧尋便成立諸正士等又寶女者設欲志願於斯三十大千世界普兩

夫華悉令周滿則如所言輒雨名香擣香澤
香雜香衣服饍饌設復欲令幢蓋繒幡自然
莊飾周遍虛空尋如意成若復欲令天地火
灾自然興者若復水灾則如所言便有火灾
自然水灾設復欲令水灾火灾蠲除還復如
其所志悉能致之設欲令此一切衆會悉自
然變形體被服如轉輪王尋悉能成爲四天
王形體被服天帝形像梵天顏貌大神妙天
姿容之像比丘比丘尼清信士清信女色像
顏貌則如所言悉能成之正使欲令變恠現
化億百千魔一一魔者手各執持百種刀仗
令此衆魔堅住不動不設刀仗悉使化成若

千品種諸珠瓔珞須曼衆華思夷之華皆輒
如言若復欲令玄絕曠野自然變有飲食衣
被爲大城郭十八億家遊居其中如其所言
皆能致之三千大千世界所有形像欲令顏
貌皆成如來尋輒如云若復欲令一切衆會
處在虛空悉當如言設族姓子斯寶女身欲

令無量無限無有邊際佛之境界諸佛世尊
所說經典於虛空中皆爲通達具足衆德普
聞音聲如佛所言無有缺減十方佛辭亦如
所說但能宣暢於是寶女立願之力神足變
化普示現之如此色像則於佛前說是頌曰
以寶爲業 輓妙聖跡 漢說豪尊 無量道德
則以蠲除 塵欲瞋結 乃布惠施 七覺之寶
以寶光明 照衆窮冥 若千品類 明月珠曜
尊上奇珍 寶英最勝 今以瓊珠 恭奉安住
假使碼礪 首藏明珠 焰光之珠 無垢藏珠
日月之明 所出光暉 蒙尊所照 而悉覆蔽
觀能仁身 無能限量 所荷之祐 致獲十力

盤一

住立斯土 極至上界 觀察聖體 轉顯加位
一切衆會 各各見佛 悉自念言 尊在我前
皆從方面 悉見佛顏 紫金縱容 無比之貌
正使坐時 卧寐經行 若復現在 處衆會中
言辭若默 樂立禪定 威儀無比 聖智無限
一一毛孔 所演光明 則能等照 一切十方

身如蓮華 最勝弘普 猶如志性 令意寂然
常立誠諦 所云真實 如口所言 遵行相應
曉了分別 諸法之義 稽首道備 得度彼岸
少時寶女以此頌偈讚佛德已白世尊曰我
身今欲諮詢如來於斯經典章品之句志所
趣向設見聽者乃當自陳佛告女曰恣所欲
問吾當為汝分別說之今心恍豫於時寶女
見佛聽之歡喜踊躍白世尊曰何謂菩薩常
懷至誠云何如來為諸菩薩說真實解何謂
菩薩而應順法云何如來為諸菩薩講說經
典所謂菩薩尋應威儀云何如來為諸菩薩
而說義趣何謂菩薩奉順律教云何如來為

諸菩薩講決律事佛 言善哉善哉寶女所問
欲暢仁賢真要辯才諦聽聽善思念之唯
然世尊願樂欲聞於時寶女受教而聽佛告
寶女菩薩有三法常懷至誠何謂為三未曾
欺佛不自欺身亦不欺誑一切衆生何謂菩
薩欺於諸佛而欺己身及與衆生假使菩薩
興發無上正真道意志慕聲聞緣覺之地而
誓求願意甘樂之是為菩薩欺佛己身及與
衆生何謂菩薩不欺諸佛已身衆生假使菩
薩發大道意設令勤苦遭衆惱患為諸魔衆所
見燒試為諸外道所見逼迫毀辱誹謗而戲弄
之百種罵詈撾捶危害虛妄之事而以加己志
性寂然不起怨結不懷怯弱不惑迷誤不恐不
畏不以憂慼不以爲恨獨秉一志志性堅強平
等之行不捨道意恒執慧心珍寶之心常懷道
心一切世間最尊第一又復發心為諸衆生救
護歸命令得超度所興之心而無等倫無以爲
喻不退不捨不在餘乘常立一志樂於佛道導

自欺身志性仁和質直其心無有譖詔亦無虛
詐彼以四事不欺衆生方便應病慈心愍哀加
以四恩是爲菩薩第一至誠不捨道心而不
違失往古之願佛復告寶女曰菩薩至誠謂
口寂然誰於言語所說無缺口辭真諦在於
獨處若大衆中言常至誠不以國故而兩舌
也不以珍寶具足貨業而欺虛言不以父母
親族貪財惜費而兩舌也佛語寶女有三十
二事口辭清淨何謂三十二羞慚造惡常懷
耻媿等修於善不爲劣惡不索譏謗不爲卒
暴教化諸天不興恐懼燒諸惡趣開演善歸
賢聖所命恭奉明智其內清淨善修於外而
受言教分別言辭言無艱說口演柔軟言語
殊特口暢香潔而隨教命無有欺詐無有惱
熱造業可愛內無有失外亦無誤不爲罪業
造衆祐地樂於佛道傳語至誠言輒獲利是
爲口淨三十二事也佛告寶女所謂至誠求願
具足所以者何悉布施者爲菩薩道無慳貪故

六

斯成志願一切所有設能惠施覩是已後此
則至誠清淨之戒爲菩薩道不爲毀禁斯成
所願假使戒禁具足清淨覩是已後此則至
誠建立忍力爲菩薩道志不懷結斯成誓願
其忍辱者此爲柔和覩是已後則爲至誠遵
修精進爲菩薩道不爲懈廢斯成所願設能
普行一切德本觀是已後則爲至誠建立禪
定爲菩薩道不爲亂心斯成所願設能懷來
習一心者觀是已後則爲至誠建立智慧爲
菩薩道不爲邪黠斯成所願曉了聖慧觀是
已後則爲至誠四意止行爲菩薩道不爲放
逸斯成所願意已寂定觀是已後此則至誠
四意之斷爲菩薩道不興衆惡心若滅除斯
成所願觀是已後此則至誠四神足行爲菩
薩道無有不達以能飛行斯成所願觀是已
後此則至誠五根之事爲菩薩道諸根寂然
無有錯亂斯成所願諸根憺怕觀是已後此
則至誠五力之行爲菩薩道不爲無勢具足

十力斯成所願觀是已後斯則至誠七覺之意爲菩薩道無所不了以能覺達諸情不起斯成所願觀是已後此則至誠八聖道行爲菩薩道無有邪徑設處聖路斯成所願觀是已後此則至誠四恩之行爲菩薩道不爲無救攝諸危厄斯成所願觀是已後此則至誠

般一

七

大

修四梵行爲菩薩道不爲天人慈悲喜護救濟群黎斯成所願觀是已後此則至誠神通之慧三達之智正觀寂寘爲菩薩道無諸瑕穢衆行普具斯成所願觀是已後此則至誠具足一切諸德法本爲菩薩道不爲無度蠲除一切諸不善法斯成所願設能宣備仁賢之法觀是已後此則至誠佛告寶女菩薩亦當疏習奉行賢聖之諦知於苦慧斷於所習曉了滅盡修行聖路彼所何謂知於苦者分別五陰無所起故斷於習者於五陰愛無所習故究竟思惟無所習行其爲脫門無所遊居不懷所施其無所懷則於過去而無所至設於過去

無所至者彼則正法無所蠲除已於諸法無所除者是爲斷習彼知滅盡一切想著所興方便觀究竟盡其滅盡者爲不復壞怨於生死等於所有終始均平於一切法而無增減已等觀者斯爲曉了滅盡之慧彼察平等於八正路則能等療無所想念而無邪想求諸塵勞無有吾我已無吾我便無所受則無所生所造業者悉能善修於一切法是則名爲賢聖路矣假使於斯至誠之慧曉了一切皆暢衆生亦無有內亦無所證是爲菩薩之至誠也佛說是至誠教時一萬菩薩具足聖慧遠得法忍佛告寶女何謂菩薩應順於法御行如法則隨法教思惟於法法爲志性恭敬於法遵修法行欲慕於法樂於法樂多存於法法爲妙英法爲刀仗被法之鎧誓法自嚴修法光明法之庭煉常志法念以法爲意遊步於法分別經典方便應法遊步法行法爲臥寐法爲威儀將護法事以法布施法爲財

業法無有盡普弘演法法爲嚴辦常修法身
法爲言辭思惟法念而不放逸如是比類遵
修法行具足成就而順法主不爲非法彼爲
何謂順法主者設使如斯至誠真諦被佛法
鎧以法爲護恭敬聖衆殷勤聽經樂於道意
積累衆善不捨至眞志性本淨而無所著不

般一

八

違而應見諸賢聖習衆善友常行恭敬隨其
示現離於嬌慢多所咨嗟遊在法會至心聽
經慕求法典不以厭足講說道義則不懈倦
而於經法無能爲師念報恩慈以有返復所
作成辦處於閑居而無恐懼賢聖之教無所
犯負不捨止足順從十善咨嗟布施勸助佛
道奉於禁戒忍辱爲力邊修精進而不怯弱
禪定寂然遊入智慧興隆道化顯揚善權慈
多所護入於愍哀悅豫行喜喜護二事而順
至誠所可遭遇以善爲業興發神通導利正
法在所遊至以法惠施於四意止不忘失志
四意斷者遵修平等四神足者現在究竟諸

根明達修治諸力曉了諸覺超越徑路入于
寂寥觀察所行真諦之慧聖明解脫頒宣暉
曜順諸聲聞隨其本地教化緣覺咨嗟一切
大乘之德則以應詛而理緣起便於空無無
所恐畏遊于無相則無所著觀察無願五陰
如幻觀諸四種亦如虛空又諸入者本淨悉
空七財之業遵修六念樂於六度行無極度
而獲五眼第一之義常自將護多所超度善
修道業等心一切衆生之類歌頌一切無量
諸佛功德之法佛告寶女順法菩薩不言有
我不計有人亦不計命亦不念壽不思斷絕
不覩有常不見所有若離不離之所覩者不

般一

九

釋邊際不倚中間不從朋友亦無諍訟亦無
不和亦無偏黨不處顛倒不在邪見越度孤
疑蠲除陰蓋諸所罣礙不違遠法亦不亂法
不誹謗經不輕慢道不滅究竟一切諸法順
道菩薩志存諸法具足經典所言至誠爲順
法矣無所興舉於諸異學順法言者姦難邪

行悉已滅矣於一切世而順法言菩薩順空行無所獲則無邪想無瞋恚法順無願教而於三界悉無所行慇懃專精觀諸瑕穢順法菩薩則無所起亦無所滅則不受生本性清淨義在寂寘佛告寶女所謂法者則不可獲無有文字而無言說亦無辭章無色無見亦無所趣無有言誨亦無所教離心意識無有塵垢已離瑕疵遠於貪欲無有窈冥無所積聚則無吾我而無所受亦無所取離於所受無有境界便無差特於十方界而無所著則爲擔怕棄行身退不可覩見覺了懸曠亦無想念亦不思行抑制聖賢爲明智者所蒙開化無有所遭亦無不遭休息一切所可遇者則如真諦三世爲空便無求沒亦無終亡亦無退還亦無所生無所成就亦無毀滅亦無所有亦不不有亦無所成亦不不成亦無所行亦無所視亦無不見亦不離視亦不成相亦不不相則爲一相亦復無著離於所著亦

無有餘無著無縛亦無所脫不是我所亦無所屬無所遵修亦無諸漏則無等倫亦無平等無所等亦無至誠亦不虛妄不樂不苦亦不精進亦無不勤亦無所應亦不不應亦不專精亦無不精亦無名色亦無所起亦無不起不爲堅固亦無不固無所破壞亦無不壞不爲金剛亦不壞相則爲真諦不違至誠而無別異亦無所遠亦無所近亦無像類無有倫比無有處所亦無有想亦不有此亦不有彼亦無差特亦無有內亦不有外亦無中間亦無所樂不度彼岸亦無所見亦無所聞亦無所念亦無所教亦無所知不至無知亦不有形亦不無形亦不有作亦不無作則離一切諸所有形是謂爲法如是法者則無音聲亦無不聲亦無聚會無言無說是謂菩薩應順於法佛告寶女具足一切諸所言辭則爲順法其順法者未曾與人有所諍訟其順法者不輕慢他其順法者亦不輕易於未學

者其順法者亦不偏敬學成就者其順法者不自稱譽亦不顯己其順法者不亂經典其順法者不以供養而說道義其順法者不爲他人興發狐疑其順法者終不訟說他人之罪其順法者不輕慢經其順法者終不妨廢他人經道其順法者終不覩見覺了諸法差特分數其順法者不覩諸法離於空者其順法者悉覩諸法不遠無常其順法者不覩諸法捨於無願其順法者不壞法界其順法者不動無本其順法者亦不超度於真本際其順法者亦不導御隨瞋恚也其順法者亦不御念於諸神識其順法者亦不導利有所倚著其順法者亦不思念計有人也其順法者不亂法義不違嚴飾其順法者不迷禪識不忍道義其順法者不毀正義其順法者不錯法品其順法者不迷於人其順法者不造朋黨其順法者亦不毀於緣起之事其順法者則無有勢亦無有法清淨因緣其順法者亦

般

十一

少

無惺惱塵勞之穢其順法者不毀禁戒其順法者亦不捨於毀戒之人其順法者無有懈怠恚恚恚結恨其順法者不與懈怠垢濁之人而俱同歸其順法者不失道意其順法者未曾違壞智慧之本其順法者不求他人法之長短其順法者不用憎人厭於經典其順法者不用經典御於典籍其順法者不違律敬其順法者不違法律其順法者亦不違修而有所應具法非法其順法者不以心念而有所失其順法者不沒經典其順法者不得生死就其順法者不取結縛其順法者不得生死其順法者不除無爲其順法者無有親友怨讐之想其順法者不毀報應所殖之果其順法者亦不信樂罪福之應其順法者若加惡言則不念報其順法者不求聞諍之瑕缺也其順法者則不恣口其順法者將身口心不爲諛諂其順法者不以自顯欲令人見處於閑居其順法者不以供養之所貪利而現少

事其順法者不以無欲而造凶僞其順法者不用他人及與己身演說佛道其順法者不與反教具順法者不以七財而爲貪慾其順法者不以糲糧而爲飲食其順法者亦不破壞嚴父種族其順法者不譏人短其順法者亦不稱譽己身之德其順法者不分別說佛

之道德而有限礙其順法者咨嗟大乘不以懈怠是爲菩薩應順於法也佛告寶女何謂菩薩尋應威儀所謂誼者無求名聞羸劣之誼遵修療治一切德本積累善誼志性超異興發道意合集空誼假使布施不望報誼顯揚一切諸安之誼不毀戒誼忍不忍誼精進之行一切所造則超度誼而以禪定爲寂寢誼則於智慧無猶豫誼遵修慈者等衆生誼設爲悲者則於衆生一切演誼其爲喜者歡樂法誼若爲護者於諸苦樂無動搖誼若布施者則無誣誼欣樂所生無所害誼造成誼者興法願誼平等誼者勸化衆生志于大乘

般一

十一

而以四恩化黎庶誼一切萬物非常苦誼一切諸法無吾我誼於諸塵勞至憺怕誼而於識者曉聖慧誼遊嚴飾事爲將御誼一切經典則爲帑藏道利典誼計人命音化以法誼若能了識覩達法誼說誼無盡分別經卷不壞法誼若覩順滅入無色慧而遭辯才隨其衆人應病說誼設布施業不以耽誼爲持戒業具足願故博聞之業奉要行故功德之業滿諸相故爲慧業者曉了一切群生根故寂然之業將心事故觀察之業通達智故四意止者制止志故四意斷者興顯一切功德法故爲神足者遊十方故其五根者不破他故亦不毀空也爲五力者而不錯亂諸塵勞故七覺意者曉了一切諸法之故遊求路者於一切法無結恨故成神通者究竟本末無缺漏故在彼如斯若茲像類順法誼者則爲究竟法誼之要若應此誼尋應威儀不爲非誼如是菩薩尋應威儀佛告寶女一切顛倒衆

邪見滅則爲空誼行空菩薩爲順誼矣除一切想應以不應則無想故無想菩薩便順應誼離於一切三界之願則無願誼無願菩薩便順應誼休息一切諸所造行則無行故無行菩薩便順應誼捨遠所生一切滅盡則無生故無生菩薩便順應誼諸所起受以無所起則無起故無起菩薩便順應誼而以蠲除苦集盡道則爲盡故滅盡菩薩便順應誼一切諸法無有人命則爲無故無人菩薩便順應誼一切言辭音響之誼而不可得則爲故矣無獲菩薩便順應誼諸行清淨則誠諦故至誠菩薩便順應誼一切道品法無放逸則爲故矣無驕菩薩便順應誼一切所聞悉信奉行則爲誼也遵行菩薩便順應誼一切諸乘由大乘故若有菩薩隨大乘教便順應誼佛告寶女無所壞者無若干事則爲誼矣一品類者若一味者則爲誼矣無所動搖若無所盡則爲誼矣無所行者不生不起則爲誼

矣無所來者亦無所去則爲誼矣無所生者亦無所滅則爲誼矣無有二事不舉不下不高不卑則爲誼矣無所造作亦無有形則爲誼矣無所興爲亦無所有則爲誼矣無有同像無所勸教亦無有知則爲誼矣除於三瑕淨三道場平等三出三垢永除而無三塵則爲誼矣無所遊止無所缺失則爲誼矣無有怨敵爲憐怕行無有惱熱則爲誼矣無宴居行則爲誼矣無所宣佈無有攝取常如應行則爲誼矣斷去來今無有諛詭則爲誼矣亦不想念正法非法除於有限無限有常無常平等之慧而超度去則爲誼矣於諸文字所應音聲而悉曉了一切本淨無有言辭則爲誼矣曉心意識無所宣暢而出家者則爲誼矣於婬怒癡塵勞之欲有想無想應與不應悉分別之而無想著則爲誼矣等於諸法而無若干不爲差特則爲誼矣空無相無願無所造作亦無有形則爲誼矣曉了第一至誠

事者不有所信不仰他人不知相處則爲誼矣亦不勑教不著諸相則爲誼矣相如虛空寂靜之相則爲誼矣無所著相無所造作無所悅相則爲誼矣無所壞相如其無本真諦無異無差特相則爲誼矣善開化相計陰如幻自然之相則爲誼矣其四種者爲法界相

於一

而不遊出經行外相則爲誼矣布施戒慧寂然善權無有相者則爲誼矣興設至誠無欺詐相一切所有爲無所有則爲誼矣猶如金剛堅無壞相處於世間無所諍相則爲誼矣所作極善而諦究竟具足之相則爲誼矣一切普入而悉濟相無有陰蓋所向門相則爲誼矣等於諸趣入於一切諸法之相則爲誼矣平等無邪覩於平均無所有相則爲誼矣定意智慧因遊生相解度知見而爲慧相則爲誼矣依於聖相若有所知若教命相則爲誼矣如其真諦曉發遣相等御一切諸法之相則爲誼矣假使菩薩如是具足所修之誼

能說若斯諸誼事者則能分別一切衆誼故謂大士菩薩尋應威儀者也佛告寶女何謂菩薩奉順律教如來講說而有二律何謂爲二殃罪之律決勞欲律彼何謂殃罪之律所言罪律思想之本不應順本無明之本愚癡之本顛倒之本無實之本虛偽之本貪身之本倚我之本著人之本懈怠之本無所捨本無所歸本狐疑之本慢恣之本難致慧本是謂殃罪之律何謂決塵欲律住無猶豫而無所念無有罪處亦不說罪不說方面不樂王者不爲塵埃無有慳貪亦無所見心無所起其志安雅離于滅盡則無所有無有處所亦無方面無有塵勞無有格惜亦無所覩計如心者罪亦如之如其罪者一切諸法亦復如是無有根本亦無所住猶如心者不可攀引清淨鮮潔超諸所有寂然澹怕趣于滅盡斷絕休息生死患難信遵聖教而秉一心無有猶豫志於同歸無有殃疊是則名曰決塵欲

律佛告寶女何謂塵勞何謂決欲律所言塵者謂姪怒癡無明恩愛及以所受諸有十二所趣有爲因緣之行是曰塵勞所決欲律究竟開化一切諸法所以者何則以空事開化諸法彼無欲行無恚恨癡則以無相開化諸法亦無說習行衆勞塵則以無願化於諸法彼則習行諸德善事於一切行而無所行以無所有化於諸法以無所行導利諸法彼於所造而無所行一切諸法依倚因緣於一切見無所違修假使於此十二因緣有所歸趣平等諸法於一切勞則無欲塵本末寂滅所云空者俗與道空以是之空一切塵勞欲事亦空假使以空等於道者是決欲律其有言曰彼典主律自開化者乃名曰律其能知已自化身者則能曉了開化欲律何謂開化己身之律其能分別於我不我知身自然解已慚怕了已如實曉於己身無所瞋恨分別身空已無所有曉已無本了已無獲分別己身

而不動搖分別己身無有倫比曉已無生亦無所起其有了已分別如是則了塵勞而無有本亦復若斯如無有我而想有我彼則顛倒設如是者已無塵勞而起勞想是爲顛倒又如吾我本淨無身如是欲塵則爲本淨無塵勞也其有曉了如是觀者是決欲律彼亦不化過去欲塵亦無當來亦無現在所以者何不習諸行亦不復念塵勞欲塵其於己身無所習行無所念者則無過去亦無當來亦無現在又如心者無有色像則無有內亦無有外亦無所得欲塵如是則無色像亦無有內亦無有外亦無所得無所得者則無瞋恨亦無諍訟無所滅除亦無所造無所不造亦無所作亦復不作一切欲塵其有遊此於諸欲塵了別恩愛而無所有亦不離有是則名曰決欲塵律佛告寶女假使菩薩曉了如是開化欲律則能教導衆人欲塵而說法矣是則名曰奉順律教佛說是至誠真教之法隨

誼奉順律事一萬菩薩得不起法忍寶女欣然志懷踊躍善心生焉前白佛言未曾有如來快說此至誠法歎詠誼律設使菩薩奉行如斯則爲第一無所諍訟便能蠲除衆生所訟則順經典

十六

殷一

寶女所問經卷第一

竊煙曉反壞古回燒音遠又撻捶上竹瓜反瑕穢上音霞下音霞一燎力照
疾斯反浩胡道反辟必亦頃傾頸反嫁古哀反鎧苦愛
殖種常力反糲糧二字音侯良疊許近

寶女所問經卷第二

殷二

西晉三藏竺法護譯

發意三十二寶品第二

余時賢者舍利弗問寶女曰今者女身豈能修於至誠之法誼律行乎寶女答曰唯舍利弗其至誠者無有言辭法者無欲誼不可獲

計於律者身心寂然又如彼者不可發遣亦無所受唯舍利弗其至誠者則滅盡相法憺怕相誼離嚴飾律解脫相以是之故不有言辭亦不可說唯舍利弗至誠無本法無差特誼無有二律無造誼以是之故不有所說亦無言辭不可讚詠時舍利弗復問寶女女所執寶爲何等類而余名曰爲寶也於是寶女答舍利弗菩薩則以三十二事而現目前興發寶心一切聲聞緣覺之乘所不能及何謂三十二事救濟一切黎庶之類皆令興發諸通慧心不斷佛教則發寶心將護法教則發寶心亦不斷絕聖衆之令則發寶心勸導衆生立賢聖安無極之珍則發寶心蠲除黎庶塵勞之欲去諸惱患至于大哀則發寶心一切所有琦珍異寶悉能捨施內外所有瓊瑤之物無所貪惜則發寶心自能護己禁戒善行能以救濟毀戒之人則發寶心忍辱之力和雅安詳精進合集令諸瞋諱患厭怒害貢